



# canolradd

## gweithgareddau 1-4

national  
museum  
wales  
amgueddfa  
cymru



# canolradd 1

## cwis

**Nod: Dysgu sut i ddilyn cyfarwyddiadau.**

**Chwiliwch yn yr Oriel am yr atebion i'r cwestiynau hyn. Cofiwch edrych yn y ffeiliau gwybodaeth hefyd.**

1. Ym mha flwyddyn cyhoeddwyd y Beibl cyntaf yn Gymraeg?

---

2. Pryd ganwyd Griffith Jones, Llanddowror?

---

3. Ym mha ddegawd boddwyd Capel Celyn?

---

4. At beth roedd cadair Thomas Howell, Mynydd Cynffig yn cael ei defnyddio?

---

5. Ym mha wlad mae 'dorje' yn cael ei ddefnyddio?

---





# canolradd 1

6. Pwy enillodd gadair Shanghai?

---

7. Ym mha flwyddyn enillodd yr athletwr, Lynn Davies, fedal aur yn y Gemau Olympaidd?

---

8. Beth yw bando?

---

9. Menig bocsio pa Gymro sydd yn yr Oriel?

---



10. Enwch dri offeryn traddodiadol Cymreig a welir yn yr Oriel.

---

11. Pwy gafodd y syniad i sefydlu Gorsedd y Beirdd?

---

# canolradd 1

12. Enwch dair rhinwedd [virtue] Nod Cyfrin yr Orsedd.

---

13. Pryd roedd y rhifau 559,419 a 552,698 yn bwysig?

---

14. O ble roedd Santes Margaret yn dod?

---

15. Pryd roedd crochendai Swydd Stafford fwyaf prysur?

---

16. Pryd enillodd Côr Caradog gystadleuaeth bwysig yn y Palas Crisial yn Llundain?

---

17. Ble cafodd y rhan fwyaf o lestri 'Gaudy Welsh' eu gwneud?

---

18. Ym mha flwyddyn enillodd Gwallter Mechain dlws y gadair yn Eisteddfod Caerfyrddin?

---

19. Tua faint yw pwysau coetsen?

---

20. Ym mha flwyddyn ymddangosodd y gêm 'Scrabble' gyntaf yn yr iaith Gymraeg?

---



# canolradd 2

## sgwrs

### Tri Gwrthrych Cymreig – y llwy garu, y delyn a'r wisg Gymreig

#### Y llwy garu

Ers llawer dydd, roedd dynion ifainc Cymru yn rhoi *llwyau caru* i'w cariadon i gyfleu eu cariad. Ar y dechrau, roedden nhw'n *naddu llwy o un darn o bren â chylllell boced*. Yn aml, roedden nhw'n gwneud y gwaith ar yr aelwyd gyda'r nos yn ystod misoedd y gaeaf pan oedd hi'n rhy dywyll ac yn rhy oer i fod allan.

Roedd y llwyau'n syml i ddechrau ond gydag amser tyfodd y *patrymau'n fwy soffistigedig*. Weithiau mae symbolau traddodiadol cariad yn cael eu cerfio ar y llwy. Mae'r *angor*, er enghraifft, yn arwydd o sicrwydd ac ymroddiad, y *galon* yn dangos gwir gariad a *thwll clo* yn mynegi awydd y pâr dan sylw i sefydlu cartref gyda'i gilydd. Mae coes ambell lwy ar ffurf blwch agored sy'n cynnwys *nifer o beli bach pren* – un ar gyfer pob plentyn.



Mae'n ddiddorol sylwi taw '*sboner*' yw'r gair am y bachgen o garwr a'r ferch mae'n ei chanlyn yw ei '*wejen*'. Mae'n siwr y byddwch yn dyfalu bod '*sboner*' yn perthyn i'r gair Saesneg, 'spoon' a wejen yn dod o 'wench'.





## canolradd 2

### Y delyn

Yn ôl cyfreithiau Hywel Dda yn y ddegfed ganrif, y *delyn*, y *crwth* a'r *pibgorn* oedd offerynnau cerdd mwyaf poblogaidd y Cymry. Erbyn heddiw does dim llawer o sôn am y *crwth* a'r *pibgorn*, ond mae'r *delyn* yn dal i fod yn bwysig yng Nghymru.

I ddechrau, roedd telynorion Cymru yn defnddio eu hewinedd yn ogystal â'u bysedd i blycio'r tannau gan greu sain arbennig o glir. Mae'n debyg bod gan Dafydd ap Gwilym, bardd enwocaf Cymru yn yr Oesoedd Canol, *delyn* a ddefnyddiai i gyfeilio ei hun wrth ganu.

Yn yr Eidal cafodd y *delyn deires* ei dyfeisio, ddechrau'r ail ganrif ar bymtheg. Roedd gan y *delyn* yma dair rhes o dannau, fel yr awgryma'i henw, a daeth mor boblogaidd yng Nghymru nes i rai ei galw 'y *delyn Gymreig*'.



Er bod *Arglwyddes Llanofer* wedi gwneud ei gorau glas i wneud y *delyn deires* yn boblogaidd, roedd y *delyn bedal* wedi disodli'r *delyn deires* erbyn y bedwaredd ganrif ar bymtheg. Roedd y *delyn bedal* yn llawer ysgafnach, ac oherwydd hynny, yn fwy poblogaidd ymhlith telynorion teithiol fel *teulu Abram Wood* – teulu adnabyddus o sipsiwn cerddorol. Dim ond trwy ymdrechion *Nansi Richards*, Telynores Maldwyn, y cododd to newydd o delynorion dawnus sy'n canu'r *delyn deires*.

Am ei bod yn cael ei chysylltu â *dawnsio*, doedd aelodau'r capeli ddim yn hoff o'r *delyn* i ddechrau, ond am iddi gael ei mabwysiadu'n symbol cenedlaethol a chael ei derbyn i'r Eisteddfod, llwyddodd i oroesi.

## canolradd 2



### Y wisg Gymreig

Daeth y *wisg Gymreig* draddodiadol i'r amlwg yn gyntaf yn y bedwaredd ganrif ar bymtheg ac erbyn heddiw mae'r darlun o ferch mewn *clogyn coch* o frethyn Cymru a *het ddu â chorun uchel* yn gyfarwydd iawn i bawb.

Mae'n wir bod merched yn y Gymru wledig yn gwisgo *pais frethyn streipiog* o dan *fetgwn wlanan gyda ffedog, siôl a sgarff neu gap*, ond doedd dim patrwm cenedlaethol cyffredinol o wisgo. Yn hytrach, roedd dillad yn amrywio o ran defnydd a steil o ardal i ardal gyda phawb yn dibynnu ar gynnyrch *melinau lleol*.

Bu'r *Arglwyddes Llanofer (Augusta Hall)* yn frwd iawn yn hyrwyddo'r syniad o wisg genedlaethol. Roedd ei thelynore yn gwisgo'r *dillad a welwch chi yn yr Oriel* ac roedd yr holl weithwyr ar ei hystâd ger Y Fenni yn gwisgo brethyn cartref Cymru. Roedd hi am gefnogi'r diwydiant gwlân ac am i ferched deimlo'n falch o'u Cymreictod.

Daeth y wisg yn boblogaidd oherwydd *darlun enwog* yr artist, Curnow Vosper, 'Salem' a thrwy'r *cardiau post doniol* a ddaeth yn boblogaidd ymhlith y twristiaid oedd yn dod i Gymru. Yn ddiweddarach, yn nawdegau'r ganrif ddiwethaf, clywyd y term 'Cŵl Cymru' a chynlluniwyd *gwisg fodern i ferched*. Gallwch chi ei gweld yn yr Oriel yma. Ond mae'r hen wisg yn dal yn boblogaidd, yn enwedig *ymhlith plant* ar ddydd Gŵyl Dewi.

# canolradd 2

1. Pa dermau sy'n cyfateb i'w gilydd yn y ddwy restr yma?

- |                        |   |
|------------------------|---|
| 1 ers llawer dydd      | <input type="checkbox"/> gwneud ymdrech fawr  |
| 2 ar y dechrau         | <input type="checkbox"/> o safbwynt           |
| 3 ar yr aelwyd         | <input type="checkbox"/> enwog                |
| 4 does dim sôn am      | <input type="checkbox"/> pawb yn gwybod am    |
| 5 yn boblogaidd        | <input type="checkbox"/> amser maith yn ôl    |
| 6 gwneud ei gorau glas | <input type="checkbox"/> yn y cartref         |
| 7 adnabyddus           | <input type="checkbox"/> yn y lle cyntaf      |
| 8 yn gyfarwydd i bawb  | <input type="checkbox"/> mewn ffasiwn         |
| 9 o ran                | <input type="checkbox"/> neb yn siarad amdano |

2. Cwblhewch y brawddegau yma gan ddefnyddio'r geiriau isod:

Roedd y bechgyn ifainc yn \_\_\_\_\_'r llwyau â chyllell boced.

Roedd rhai o'r patrymau ar y llwyau yn \_\_\_\_\_ iawn.

Mae siâp calon yn \_\_\_\_\_ cariad.

Cafodd y delyn deires ei \_\_\_\_\_ yn yr Eidal.

Roedd teulu Abram Wood yn delynorion \_\_\_\_\_.

Roedd Arglwyddes Llanofer am i ferched Cymru fod yn falch o'u

\_\_\_\_\_.

Roedd yr hen delynorion yn plycio'r tannau â'u \_\_\_\_\_.

Roedd y bobl yn \_\_\_\_\_ ar y melinau lleol i gael brethyn.

dynodi; dibynnu; naddu; hewinedd; dyfeisio; dawnus; gywrain; Cymreictod.





## canolradd 2

### 3. Pynciau trafod:

Ddylai Cymru gael gwisg genedlaethol?

P'un yw eich hoff offeryn? Pam?

Pa symbolau eraill sy gan Gymru? Pa beth modern fasech chi'n ychwanegu at y rhestr?

Ydy crefftau traddodiadol yn marw?



# canolradd 3

## gwrando a deall

Ewch at y wal ieithoedd a gwrandewch ar y siaradwyr isod. Gwnewch yr ymarferion.

### i) Pascal

Atebwch:

1) Ble cafodd Pascal ei eni?

---

2) Faint o Lydaweg oedd yn cael ei siarad yno?

---

3) Sut dysgodd e'r iaith?

---

4) Â phwy yn ei deulu mae e'n siarad Cymraeg?

---

5) Â phwy mae e'n siarad Llydaweg yma yng Nghymru?

---

6) Rhowch ddau reswm pam mae e wedi dysgu Cymraeg.

---

### ii) Islam

Gwir (✓) neu anwir (X):

- |   |                          |
|---|--------------------------|
| 1) Mae Islam yn siarad dwy iaith.                               | <input type="checkbox"/> |
| 2) Mae e'n dod o Affganistan.                                   | <input type="checkbox"/> |
| 3) Daeth e i Brydain yn 1973.                                   | <input type="checkbox"/> |
| 4) Roedd e eisiau helpu ei deulu.                               | <input type="checkbox"/> |
| 5) Bengali pur oedd iaith y cartref.                            | <input type="checkbox"/> |
| 6) Newidiodd llywodraeth Pacistan iaith ei ardal.               | <input type="checkbox"/> |
| 7) Saesneg oedd unig iaith swyddogol gweision sifil.            | <input type="checkbox"/> |
| 8) Roedd gweision sifil yn cael defnyddio Bengali yn eu gwaith. | <input type="checkbox"/> |
| 9) Chafodd Islam ddim llawer o gyfle yma yng Nghymru.           | <input type="checkbox"/> |
| 10) Dysgodd e Gymraeg er mwyn diolch i Gymru.                   | <input type="checkbox"/> |

# canolradd 3

## iii) Dinesh

Gwrandewch ar Dinesh a gorffennwch y brawddegau hyn:

- 1) Cafodd Dinesh ei eni \_\_\_\_\_.
- 2) Mae e'n gallu siarad \_\_\_\_\_ o ieithoedd.
- 3) Aeth i \_\_\_\_\_ i \_\_\_\_\_ Hindi.
- 4) Daeth e i Loegr yn \_\_\_\_\_.
- 5) Mae e'n byw nawr \_\_\_\_\_.
- 6) Mae e'n gweithio i'r \_\_\_\_\_.
- 7) Mae \_\_\_\_\_ o blant gyda fe.
- 8) Iaith \_\_\_\_\_ ydy'r enw ar dafodiaith pobl \_\_\_\_\_.
- 9) Mae Dinesh yn hoffi chwarae \_\_\_\_\_.
- 10) Mae e'n siarad Cymraeg \_\_\_\_\_.

## iv) Ray

Gwrandewch ar Ray sy'n siarad Saesneg ac ysgrifennwch 8 brawddeg amdano yn Gymraeg.

---



---



---



---



---



---



---



---



## canolradd 3

### v) Pynciau trafod

- 1) Ddylai pawb sy'n dod i fyw i Gymru ddysgu Cymraeg?
- 2) Gan fod pawb yn gallu siarad Saesneg, does dim angen dysgu Cymraeg.
- 3) Mae safon Cymraeg llafar yn dirywio.
- 4) Mae agwedd estroniaid at ddysgu Cymraeg yn well na'r Cymry di-Gymraeg.



# canolradd 4

## ymarferion llafar

### i) Gwrthrychau trafod

Dyfalwch beth sydd ym mhob cwdyn.

Defnyddio'r gwrthrychau i sbarduno sgwrs.

Pa mor bwysig ydy symbolau cenedlaethol? Ydyn nhw'n bwysig?

Pa wrthrychau modern fydd yn dod yn symbolau cenedlaethol?

P'un fasech chi'n ei ddewis yn brif symbol Cymru o blith – y genhinen, cenhinen Bedr neu blu Tywysog Cymru? Pam?



© Western Mail & Echo



# canolradd 4

## Siaradwyr Cymraeg

Gwrandewch ar y siaradwyr ar eich lefel ac atebwch y cwestiynau am unrhyw dri ohonynt.

Enw	_____	_____	_____
Yn dod o	_____	_____	_____
Yn byw yn	_____	_____	_____
Gwaith	_____	_____	_____
Pam dysgu Cymraeg?	_____	_____	_____
Beth sy'n help?	_____	_____	_____